

apicem sensim leviter arcuatis, aroliis cum eis totis connexis eorumque medium attingentibus.

Generibus *Asciodema* Reut. et *Damioscea* Reut. affinis, structura capitis, rostri, antennarum et tarsorum mox distinctus. A *Maurodactylo* Reut., cui etiam affinis, clypeo fortius arcuato, magis prominente, basi a fronte distinctius discreto, gula longiore incurvata, tarsis posticis brevioribus divergens. Corpus pallido-pubescescens. Caput superne visum breviter pentagonale, ab antico visum fere triangulare, verticis margine æquali, fronte fortiter declivi, angulo faciali recto, genis humilibus. Oculi orbita interiore late sinuati. Rostrum gracile, articulo 1^o, 2^o parum longiore, duobus ultimis longitudine subæqualibus, simul 2^o paullo longioribus. Antennæ articulo primo apicem clypei paullo superante. Pronotum trapeziforme, fortiter transversum, basi truncatum, lateribus reclis, disco versus apicem leviter declivi, callis medio distantibus. Scutellum basi detecta. Hemelytra completa, membrana biareolata. Alæ areola hamo a vena subtensa emisso, ab origine venæ decurrentis paullo remoto. Xyphus prosterni disco subplano, marginibus lateralibus declivibus. Mesosternum versus apicem leviter convexum, margine apicali utrinque sulco brevi orificiali transversali tenuiter marginato instructum. Metastethium orificiis distinctis, transversim subovalibus, margine externo tumido. Coxæ anticæ medium mesosterni attingentes, posteriores contiguæ, posticæ ab epipleuris hemelytrorum sat remotæ. Terebra feminae medium ventris haud superans.

C. nigrigenis n. sp.

Pallide flavo-testaceus vel subochraceus, minus dense longius flavicanti-pubescescens, oculis ferrugineis; fronte utrinque striis transversalibus quinque, callis pronoti, articulis duobus ultimis antennarum, mesosterno apiceque articuli ultimi tarsorum fuscis; clypeo, genis, gula, antennarum articulo primo basique secundi nec non prosterno nigris, clypeo medio (an semper?) lineola longitudinali testacea.—Long., ♀, 2 2/5 mill.

Algeria, Biskra; unicam feminam misit D. Dr Puton (Coll. Puton).

Caput basi pronoti fere 1/3 angustius, a supero visum pronoto brevi distincte longius, ab antico visum latitudine interoculari oculique unici vix longius. Rostrum articulo ultimo apice nigro. Antennæ articulo 3^o, 2^o fere 1/4 brevior. Pronotum apice longitudine fere duplo latius et basi circiter 2/5 angustius. Scutellum ochra-